



Coronavirus (COVID-19); totogi lagomatai mae tagata gahua

Tupe foaki lagomatai mae tau tagata gahua i Victoria kua nofo-tokotaha (self isolate) poke nofo-kehe mae puipuiaga (quarantine)

To foaki he Department of Health and Human Services (DHHS) taha tupe totogi moua lagataha, \$1,500 ke lagomatai aki a lautolu e tau tagata gahua i Victoria, kamata mai he aho 20 Luni, ne kua moua e poakiaga mai he DHHS ke nofo-tokotaha poke nofo-kehe mae puipuiaga he loto kaina ha kua fakamooli kua moua he gagao coronavirus (COVID-19) poke tata lahi e fehagai atu kehe taha tagata kua fakamooli kua moua kehe gagao coronavirus.

“The COVID-19; totogi lagomatai mae tagata gahua” kua foaki ha kua mailoga e hagahagakelea ke he moui he tagata gahua moe haana a magafaoa ka nofo-tokotaha poke nofo-kehe mae puipuiaga ke he loto kaina, nakai fai tupe ne moua ha kua nakai gahua.

Ko e foaki he tupe lagomatai nei ke tukutuku hifo falu a kavega mamafa kehe tupe mai he tau momoui tagata, ke maeke ia lautolu ke muitua ke he tau hatakiaga ke nonofo i kaina.

Ko hai kua tonuhia ke moua e “COVID-19; totogi lagomatai mae tagata gahua?”

Ko e tonuhia ke moua e totogi lagomatai nei, putoia ni kia lautolu e tau tagata kua fai fakamooliaga kua moua he gagao coronavirus po kua tata lahi e fehagai atu kehe taha tagata kua fakamooli e moua he gagao ti kua moua e poakiaga mai he DHHS ke nofo-tokotaha poke nofo-kehe mae puipuiaga ki kaina.

Hanei foki falu a fakatonuaga ke moua ai e tonuhia kehe tupe nei:

- 17 poke molea hake ki luga e tau moui
- Kaeke kua nofo mau a koe i Victoria (putoia ai foki ha tagata ne nofo i lalo hifo he Temporary Protection Visas and Temporary Working Visas 457 and 482)
- Kaeke ko e tagata gahua mau a koe mo e fakatumau atu haau a fekafekau gahua ka nakai fai poakiaga he magaaho nei ke nofo i kaina ha koe tau poakiaga ke nofo-tokotaha poke nofo-kehe mae puipuiaga.
- Tagata gahua kua nakai moua ha tupe poke ha totogi lagākina ha kua nakai maeke ke gahua he magaaho nei kua nofo-tokotaha poke nofo-kehe mae puipuiaga ki kaina.
- Tagata gahua kua nakai fai, po kua fakaaoga oti e tau aho okioki mai he gahua ka gagao (sick leave) poke okioki moua pauaki ha ko e tau gagao pikitia uta fano (pandemic leave).
- Nakai moua poke fai tonuhia ke moua e totogi ne fakahigoa ko e JobKeeper poke falu a puhala moua tupe mai he fakatufono Osetalia.

Ko e tagata gahua putoia ai a lautolu ne gahua mau, gahua falu a magaaho ka fai gahua, gahua fiha ni e tulā he aho, gahua ke he magahala kua fafati poke gahua ke he haana a pisinisi.

Ko e heigoa e puhala ke maeke ia au poke haaku a tagata gahua ke fakapuke e tohi ole ke moua e “COVID-19; totogi lagomatai mae tagata gahua.”

To matutaki atu fakahako kia koe e matakau he DHHS ke fakailoa atu kua fakamooli kua moua a koe he coronavirus (COVID-19) pihia foki mo lautolu ne tata atu kia koe. Hea he telefoni ke taute taha fakakatoatoaga, koe fai tonuhia mooli nakai a koe ke moua e totogi nei.

Ko e puhala ni a nei ke moua aki e totogi nai.

Ke moua falu a fakamaama laulahi, kumi atu kehe email [Emergency Management Communications](mailto:em.comms@dhhs.vic.gov.au) <em.comms@dhhs.vic.gov.au>.

Authorised and published by the Victorian Government, 1 Treasury Place, Melbourne.

© State of Victoria, Australia, Department of Health and Human Services May 2020.

Moua foki ke he laupepa nei <https://www.dhhs.vic.gov.au/translated-resources-coronavirus-disease-covid-19>